

Projeke ya Dintsu



**ENDANGERED
WILDLIFE TRUST**

BIRDS OF PREY
PROGRAMME

conservation in action



SELELEKELA

Ntsu ke nonyanahadi ya matsaitsai eo boholo ba nako e phelang bakeng tse hodimo dithabeng. Lebatoweng le ka Borwa ho Afrika ho bonahetse hore mongwaha-kgolong o fetileng ho bile le phokotseho e kgolo ya makgulo a dintsu mme hoo ha baka timela ka bongata ha linonyane. Phokotseho eo ya makgulo mmoho le matshosetsi a mangata-ngata bophelong ba tsona, di qobelletse nonyana tsena ho iphumana di tlameha ho iphelela fela tsullung tsa dithaba tsa Maloti. Mabaka ana a boletsweng a lebisitse hore ntsu le yona e kenyelletse ho Red Data List Book e leng lenaneo la hlodilweng tsohle tseo maphelo a tsona a leng tsietsing ya ho fellang ruri lefatsheng mme a hloka tshireletso e kgolo e potlakileng.

Projeke ena e qadilwe ka selemo sa 2000 ke Ezemvelo KZN Wildlife e leng mokgatlo o ikarabellang ho tsa paballo ya tlhaho Kwazulu-Natal. Tshimolohong projeke e ne e reretswe ho bala dihlaha tseo nonyana tsena di behellang ho tsona e le hore ho tle ho fumanwe dipalo-palo tse bontshang boholo ba kgolo kapa phokotseho ya dintsu.

Ha jwale projeke e botsamaising ba “Bearded Vulture Task Force” e ikarabellang ho “Endangered Wildlife Trust- Birds of Prey Working Group” Projeke ena e se e sebetsana le ho nka mehato ya ho kenya tsamaisong merero e tla thusa thibelong ya mekgwa yohle e behang maphelo a leloko la ntshu tsietsing ya ho timela ruri. Projeke ena e na le bathahaselli le baithaopi ba inehetseng ho lekodisa bophelo ba dintshu hohle makgulong a tsona a Lesotho mmoho le Afrika Borwa.

Maikemisetso ka projeke

Sepheo se seholo ka projeke ena ke ho netefatsa boteng ba tshebedisano mmoho mahareng a naha ya Lesotho

le Afrika Borwa ho kenyeng tshebetsong meralo yohle e mabapi le tshireletso ya dintsu ho latela merero ya Bearded Vulture Conservation Plan. Katleho e ka fihlelwang ya ho kenya meralo ena tshebetsong e tla thusa ho thibela ho shwa le phokotseho ya makgulo a ntsu.

Merero e meng ya projeke:

1. Ho fumana dipalo-palo tse nepahetseng tsa boholo/ bongata ba dintsu lebatoweng la Afrika e ka Borwa.
2. Ho ela hloko le ho fumana tharollo mathateng ohle aka fumanwang a fokodisa kgolo ya dintsu ho kenyelletswa tshitiso tse bakwang ke batho ka tjhefo, ho sitisa dihlaha tsa ntsu, ho fellwa ke makgulo le ho timetswa ke mehala ya motlakase.
3. Ho kgothalletsa ho thehwa ha dibaka tse ngata tseo linonyane a ka fepelwang ho tsona dijo tse hlwekileng tse hlokanng tjhefo.
4. Ho thusa tshireletsong ya linonyane ana ka ho sireletsa dibaka tsohle tseo a behellang teng le moo a jellang teng ka ho etsa setswalle le tshebedisano-mmoho le mekgatlo ya paballo ya tlhaho le mekgatlo ya barui ba mobu.

Ditaba tse ding ka nonyana tsena tse mathuleng a ho shwa/ ho fela.

Ntsu ke nonyana e ikgethileng haholo kgethong ya yona ya dijo le ditlhokong tsa bodulo ba yona. E kgetha ho phela tsullung tsa dithaba e leng lona lebaka le etsang hore e fumanwe kapa e bonwe ka dihlotswana tse nyenyane tse arohaneng.

Kgetho ena e etseditswe ho thibela tshitiso e ka bakwang ke batho. E behella mekoteng e moo ditsullung bophahamong bo lekanyetswang ho 2500 m. Le hoja ntsu e atleha haholo ka ho qhotsa madinyane a yona, bomadimabe bo e hlhela kgodisong ya ona kaha boholo bo shwa pele bo hola ha ntle. Madinyane a hotseng a ye a phele nako e telele. Ntsu ke nonyana tse sa ipolaeleng phofu ya tsona empa boholo ba nako di itjella ditopong tse itjhwelletseng mme di kgona ho fofa sebaka se setelele di

tsomana le sohle se shweleng, se ka jewang. Ha se nnete hore ntsu di inkela makonyana a ntse a phela . Mohopolo o na o fosahetseng o qelletse o file ntsu lebitso la seburu eleng Lammergeier .

Mosebetsi wa projeke ena ya di-Ntsu

Ho hlahloba

Tlhahlobo e tebileng e ye e etswe dibakeng tsohle moo nonyana tsena di behelang le ho fula/ sela teng. Sena se etswa hore ho fumanwe dintlha tse kang; bongata ba dihlotshwana tsa dintsu, botona le botshehadi ka dipalo-palo, le tsebo e mabapi le ka moo di phelang ka teng bakeng tseo di atisang ho fumanwa ho tsona.

Ho ngola dintlha tse mabapi le ho behela

Bathaheselli le baithaopi ba etsa ka matla ho ngola sohle se amanang le ho behela ha nonyana tsena selemo seng le se seng ha di behela. Dintlha tsohle tsena tse ngolwang di thusa haholo ho thehweng ha meralo ya tsa paballo ya tlhaho, (le dintsu ka bo tsona).

Ho sala mehlala ya dintsu morao

Ka 2007, Bearded Vulture Task Force e ile ya hokela transimitara ya satalaete ho ntsu tse tharo. Transimitara e na e ne e etseditswe ho fana ka ditaba tsohle tse etsahallang nonyana tsena nakong ya ho fofa ha tsona le ho sheba mabaka a bolayang madinyane ho qhotsweng ha ona.

Mosebetsi o na o hopeletswe ho sirelletse le ho thusa ntlafatsong ya mekgwa e ka sebetsang ho tshehetsa ho phela ha dintsu nako e telele.

Lokela ho nka karolo!

- Tsebisa ba bang hore ha se nnete hore ntsu di inkela dikonyana di phela.
- Se bolaye ntsu kaha e se tshoso mehlapeng ya hao.
- Se tsehele tjhefo phoofolong tse shweleng e le ha o leka ho tjheha ntsu kapa phoofolo tse ding.
- Sebetsa mmoho le ba tsa paballo ya tlhaho ho thehweng ha dibaka tsa phepelo ya dintsu.
- Tsebisa botsamaisi ba projeke ena ka ntsu kapa dintsu tsohle tseo o di boneng.
- Ela hloko ntsu tse tshwailweng mapheong.
- Nka karolo ho tsongweng ha dihlahla tsa tsona
- Nka karolo ho ballweng ha dintsu ho etswang hang ka selemo moqebeleng wa ho qetela kgwedeng ya phato.
- Nehelana ka dithuso morerong wa ho sala mehlala yohle ya dintsu morao ka ha tshehetso eo e bohlokwa ho bo-rasaense.

E ngotswe ke: Sonja Kruger

E fetoletswe Sesothong ke: Mafose Mahoa

Tshedimoso:

Sonja Kruger ho gypaetus@kznwildlife.com

Kapa

Birds of Prey Working Group

Tel: +27 (0) 11 486 1102

Fax: +27 (0) 11 486 1506

Website: www.ewt.org.za

e-mail: andreb@ewt.org.za (Andre Botha)

